

Enn Krimi uff Flerschemerisch

Wie de Schorsch unn soi Fraa uns iwwer Pingsde besucht hadde, doo hawwe merr iwwer su alles meeschliche gebabbeld, uff oomol seet de Schorsch: Du, Honnes, moonsde nitt, du misst bald emol enn Krimi iwwer Flerschem schreiwe?

Naa, gebb isch ze Antwort, su enn Krimi odder besser gesaad zwaa Flerschem-Krimis hott moin Kummbeer Alex Rühl geschriwwe unn doo muss isch dess nitt aach noch mache.

De Schorsch seet: De Alex iss joo enn liewe Kerl, der uff Hochdeitsch mett emm Haufe Sätz in Flerschemerisch geschriwwe hott. Isch will joo nitt, dassde dem Alex Konkerrenz mächst, naa, isch moon, du sollst emol enn Flerschem-Krimi gons uff Flerschemerisch schreiwe.

Oh ja, seets Kättche, dess wär doch emol ebbes onnersders.

Isch habb gegrinst. Ihr Schlauberjer, ihr habbt schunn ebbes geheerd, odder?

De Schorsch hotts Kättche oogeguggd unn gefroochd: Geheerd? Was solle merr donn geheerd hawwe? Kättche, host du ebbes geheerd?

Dess Kättche hott de Kobb geschiddeld. Naa, was soll isch donn geheerd hawwe?

No ja, saach isch, de Alex unn isch, mir hawwe vor, im Herbst enn Owend ze mache der haaße soll: Krimi uff Flerschemerisch. Bis doohie misse mir zwaa awwer noch ebbes schreiwe.

De Schorsch frächt: Unn onn was hosde gedenkt in doim Flerschem-Krimi? Duts aach Doode gewwe? Unn de Mörder, iss dess enn Flerschemer?

Ach Schorsch, saach isch, soweit bin isch noch nitt. Unn isch waaß nitt, obs immer Doode gewwe muss. Nor oons waaß isch, de Krimi muss ebbes vumm Gänskippel hawwe, weil de Gänskippel, den duts nor in Flerschem gewwe.

No, doo bin isch emol gesponnd, seets Kättche, awwer wieso grad enn Krimi? Du kennst joo aach ebbes iwwer die Liebe schreiwe, su zwaa Flerschemer junge Leit, die sich onn Kerb treffe unn donn su long verheirat sinn wie de Schorsch unn isch.

Isch habb geniggd. Ja, Kättche, dess kennte merr aach mache. Awwer gugg doch emol ins Fernseh. Jeden Owend duts enn Krimi gewwe unn wenn ooner ferrdisch iss, zeiche se schunn gleich, wonn de nächsde Krimi oofängt. Aach die meisde Bischer heitze-daach, ob vunn de Nele Neuhaus odder aach onnern, ob Monn odder Fraa, all dun se Krimis schreiwe, weil die halt gut vekaafd unn aach gelese wern. Unn weil dess su iss, wolle mir aach enn Krimi mache unn werklisch uff Flerschemerisch.

Unn wie soll dess vor sich gieh onn su emm Owend?, frächt de Schorsch.

No ja, saach isch, doo muss halt vorgelese odder vorgespilld wern, de Ermittler meddem Verbrecher, dem mutmaßliche Verbrecher, wies heit haaße muss, sitze onn oom Disch unn de Ermittler dut su long frooche, bis de Verbrecher zugewwe dut, wasser gemacht hott. Unn denewer dut enn Polizist stieh unn dut owachtbasse, dass de Verbrecher nitt de Ermittler oogreife dut.

Dess Kättche druff: Dess werdd bestimmmd gons schee sponnend, moonsde nitt aach, Schorsch?

De Schorsch hott geniggd: Gons bestimmmd.

Eiern Honnes